

《續修四庫全書》編纂委員會編

續修四庫全書

上海古籍出版社

五二九・史部・傳記類

焦太史編輯國朝獻徵錄一百二十卷（卷七十一至卷八十七）〔明〕焦

竑輯

……

—

焦太史編輯國朝獻徵錄卷之七十一目錄

光祿寺

卿

張泌

郝郁

汪宗鑑

陳煥

張忠

盧宗哲

馮惟訥

少卿

秦玘

李紳

後

馬從謙

寺丞

寺丞

丘秉文

署丞

李昱

華理

南京光祿寺

卿

蔚能

楊峻

張賓

王紹

陸泓

項錫

馬理

張袞

敖鯤

四明趙昌期


吳興茅元儀

錢唐徐象侯

同校

刊行

目錄單



焦太史編輯國朝獻徵錄卷之七十一

光祿寺

卿

光祿寺卿張泌傳

實錄

張泌鳳陽潁州人洪武中由太學生授兵科給事中
和易謹厚勤於職事陞都給事中再陞光祿寺卿
光祿二十餘年于御膳必躬視精潔然後以進其祭
享必潔清宴會必豐美馭下以寬處事以公衆皆服
之嘗與井泉同發中官陰事 上嘉之特詔兩人有
犯免死罪二次永樂十六年充讀卷官至七月卒

獻徵錄

卷之七十一

上悼惜之遣官賜祭命有司治喪具泌容貌豐偉識
達大體後吏部每奏除光祿官 上必問其人得如
張泌否同時有寺丞仲謙山東黃縣人才能不下于
泌侍 皇太子監國甚見信重兩人相繼卒自是任
光祿者鮮能及之

光祿寺卿郝公郁墓志

楊士奇

郝君諱郁字文盛世家永平之撫寧文盛自幼父知
其必貴稍長俾學甫冠有司擇主案牘永樂元年內
難肅清之後論守城功授陝西咸寧縣丞未行改光
祿寺典簿授從仕郎持躬勤慎釐務周悉秉謙用和
厥譽以起陞本寺丞授承務郎益克振勵時井泉爲
光祿寺卿恣無忌畏罔上侮下至於儲君亦肆譏間
文盛盡力彌縫靡有遺闕泉旣以罪黜遂超陞光祿
卿授亞中大夫賜誥嘉獎贈其大父父皆亞中大夫
光祿寺卿大母母皆淑人封其妻聶氏淑人郝君感

獻徵錄

卷之七十一

思愈篤弗懈凡祭祀供御宴會之事必親視間有疾
靡敢追暇蓋恭事四朝始終一心待遇之厚有加無
損正統二年二月以疾卒計聞賜祭命有司營葬文
盛爲人質直坦易無城府居家事親孝撫其從弟勝
貴壽盡友愛居官處僚屬和馭下寬平其卒也衆咸
悼惜之向使文盛當井泉無狀時稍有分毫混跡或
不周於謹豈復有後來此隆遇享年六十有一而官
光祿者三十有四年可謂榮矣亦其發諸已者有以
致之歟

大理寺少卿進光祿寺卿汪宗器傳 賈錄

大理寺少卿進光祿寺卿汪宗器字鼎夫直隸繁昌縣人成化甲辰進士授監察御史巡按湖廣廣東驚賢黜貪得激揚體陞南京大理寺丞進少卿莅獄平恕時劉瑾撓法動多掣肘遂決計以母老乞終養疏凡五上允之特進光祿卿致仕正德四年三月卒宗器襟宇闊爽善談論得以滑稽縱橫可聽與人交有情誼縉紳多愛敬之

歐陽錄

卷之七十一

上悼惜之遣官賜祭命有司治喪具必容貌豐偉識達大體後吏部每奏除光祿官上必問其人得如張泌否同時有寺丞仲謙山東黃縣人才能不下于泌侍皇太子監國甚見信重兩人相繼卒自是任光祿者鮮能及之

光祿寺卿陳公煥神道碑

嚴嵩

陳氏世家餘姚以宦業稱公諱煥字子文自號西愚曾祖孟雍贈吏部文選司郎中祖雷封彰德府同知父廷敬薊州判官公爲湖廣叅政時以太廟恩得贈祖及父如其官祖母孫氏母于氏皆贈淑人公初以禮經魁浙士既舉進士授工部都水司主事董漕艘于淮丁內艱服闋補管繕未幾疏改南京由南刑部主事自外郎歷禮部主客儀制郎中陞廣西右叅議雲南提學副使湖廣右叅政江西按察使布政使入爲光祿寺卿致仕公天性淳厚居官以仁恕爲心至

歐陽錄

卷之七十一

四

義所不可不爲苟同當在淮時武宗南幸巨闕悍將從所過大索賂莫敢違者公曰禍福命也何以賂爲弗賂亦不及于禍在廣右分守柳州猺獞出沒爲患參將沈希儀領兵界上欲誅之公謂之曰獞不可盡雖兵之不能止其患不如諭之義以恩信撫之遂與希儀入其境召諸酋長更爲約不犯則賞之諸酋長大悅聽令擁輿送出境而不犯柳州滇南士習異中土公之教切切惟安貧執義以廉節爲先率之自躬士由是知方焉歲已亥今上駕幸承天所過有司或坐供張不具得譴湖廣撫臣以奉迎事檄公公

條其鉅細罔不飭備復奉旨督修 顯陵公殫力程工務極壯固稱 上意而諸監視及承事者因緣乾沒皆不得肆告成詔進一階有金幣之賜一日渡漢江大風雨舟幾覆衆擁公泣公乃命舟人拯溺者活數十人竟以無虞任江西獨四年安和寬簡官民便之吉水豪某者依山阻水恃力與有司抗乃逮至庭下察之情人也貸其歿咎之卒改行爲良民所行每若是光祿典內府諸饌餼中貴率濫額以需公披籍應之中貴頗不便因構語中傷之公於是浩然有歸志會歲考察諸大臣例得自陳公稱老乞歸甚懇

歐陽旦

卷之七十一

五

上乃可其奏公歸則開園于舊第之西南壘山鑿池蒔花木構亭其中中有人景皆以愚名自爲文記歲時約里中故舊賓客讌飲相娛樂飲輒至醉醉更稱曰愚醉也然則公誠自託于愚者耶其爲士者曰西愚公豈真愚耶嘉靖庚戌十二月三日卒年七十有三公之所履兩途 大猗一治 顯陵他人或惴惴慮不免而公皆因之以有譽名柳夷之畫宣思以樹威漢江之危急人而忘已吉豪之獄捐文以得情蓋仁厚成性而智足以行之閔材遠識固去倫類什伯矣

光祿寺卿張公忠墓志


歐陽旦

余官南都時梅江張公知南陵縣余姻黨有爲承者爲余言民俗健訟善訐吏御以機智益詭猾難治梅江率其質直不任鉤摘吏民同聲謂之不煩縣以無事部使者僉上南陵治行召補內民不能留相與尸祝之余以是知公而期其遠到比余北召公以光祿卿致其仕而歸光祿職 上膳饌及宴享諸務與中貴相涉檢押少疎卽耗蠹無紀不可勾稽稍正色其間輒叢怨納侮譴禍隨之公旣去而僚屬咸思以謂裁節得宜乃中貴亦帖帖無所怨者于時公年纔五十有八余數從公弟翰檢君思訪公病狀謂且復召乃嘉靖癸丑翰檢君以死馬卿入覲率公之嗣子照衰經謁余銘公墓蓋壬子四月某日公卒矣公諱忠字顯父號梅江世居河間任丘長豐里高祖諱丙領洪武丁卯鄉薦授都察院司務奏對數稱有曾祖廣有隱德祖政父轍皆以公貴贈中順大夫光祿寺卿祖母劉母徐元配張贈封並淑人公自幼穎悟強記經史成誦卽不忘九歲屬文有奇語補博士弟子督學御史課試數取冠儔輩及見公狀貌凝重進與論古今事理人物往往切當益異待之舉嘉靖己丑進

士爲主考大學士羅峰張公所器西樵方公稱其文積學有得者由南陵令擢吏部驗封司主事調文選司歷稽勳驗封員外郎遷考功司郎中時考察京朝官凡流言所毀及當路所不悅必數其實以贊冢宰去留擬改文選郎中固辭擢通政司右通政掌清理武臣貼黃正訛補漏不苟尸其官遷南北太僕寺卿馬政多所修舉尋轉光祿將晉陟九列而公謝病去矣上厲精綜核惡羣臣推避前後引疾者數被譴斥及公得請人以爲忠實之感云公研精經學爲文不事雕琢所著有四書釋義詩辯疑及玉林集若干

卷

卷之二十一



光祿寺卿盧公宗哲墓志

葛守禮

盧氏其先范陽人也自漢唐以來代有名人世居涑水永樂中名子興者又徙爲德州左衛人子興生斌斌生得得生信信生經配崔氏公之考妣也以公貴封徵仕郎翰林院檢討妣贈孺人封君三子長宗儒次宗賢爲汝王長史公其季也諱宗哲字濬卿以上世居涑自號涑西公生而負俊才有奇質方六七歲從羣兒戲一道士遇之驚曰兒貴人也法至三品少長受里師業工爲文辭諸生莫不避席迺從河間試郡丞姚公文清大器之自謂不及也嘉靖戊子舉山東省試高等已而第乙未進士天子躬御文華殿授簡試諸進上每奏一卷輒親品第焉得公等三十人以爲庶吉士尚方給筆札讀書禁中公故善古文歌詩至是大肆其力日益有名當是時李文康公執政月試吉士每讀公文未嘗不咄嗟嘆賞也以故盧吉士之名大起丁酉授翰林檢討奉迎徵仕君入都下會大慶覃恩徵仕君受錫馬旣病卒公當舉省試時而丁崔孺人艱至是兩遭重戚皆哀毀骨立人以爲難庚子服闋補故官辛丑同考會試所得皆海內知名士共後至卿貳者居十五甲辰同修大明會典

墓志

卷之二十一

人

丁未擢南京國子監司業會大司成缺公守篆甚久
念諸生善逸大立要束繩之期不犯然過之甚有恩
義顧貴遊子弟關說求出者即不假貸南雍至今嚴
之辛亥滿考奏狀闕下時嚴公父子勢熾甚然念公
留滯南中亦欲稍超擢異之乃公實不持一金予世
蕃也於是大忤曰先生第還南矣吾行念之公對曰
某來考績不來講遷官也嚴公慙則以爲南京尚實
司卿即徙通政參議居三年所乃召爲太常寺少卿
督四夷館丙辰擢南京太僕寺卿寺故開府滁陽
滁陽者山水名勝之地也往士大夫居是則載酒吟

東坡集 卷之七十三

九

嘯以爲常公至乃日夜下計郡邑問馬蕃息狀寺有
贖金二千或謂公內之何也公笑曰豈有懷金廬落
卿哉竟不內也戊午召爲光祿卿故事光祿上供品
物皆權長安中賈人物然不時予其直積負以萬計
賈往往破產及公索之藏中乃故有羨金則謂其僚
曰夫儼人而不予直是縣官給賈人食物也是主人
使僕張空券入市買也廼大發金悉償之當 世宗
時光祿費鉅公一切裁省諸中人不便謀所以中公
上使使往覈之乃知羣闇所爲卒如公規畫久之推
爲戶部侍郎嚴公居中持之不報已未朝正旦出至

里第遂病痿痺不起則上書請告以歸公自登第至
是侵尋二十餘年官不出寺卿而故同時諸吉士致
位公輔者相望然公處之甚遠也及罷歸里中就舊
第築室陳几設闌日偃卧其中有賓客故人來則渾
某對語倦則復卧終不請謁守吏即四方客過其門
未嘗不見其下健也平生所著述甚富然匿不自名
一日取其文二十卷焚之子茂從外來望見叩頭流
涕公曰雕蟲小技古人以覆瓿視何至悲也自是無
存者公生弘治乙丑二月卒萬曆二年四月年七十
歲爲人嚴毅方正不可干以私然與人交出肺腑相

東坡集 卷之七十三

十

示天性孝友每遇先忌常於邑流涕竟日至白首不
渝先人遺產悉以予兩兄天津故有節帥公諸生時
嘗過之帥見公冠敝適有新冠請易公重違其意爲
座上一着罷酒仍着故冠而去其介如此後罷光祿
還也發橐中裝餘四十金則召夫人及茂示之曰此
吾二十年宦裝可中分之矣茂績學有聲又善治家
後居積頗饒凡公病卧里中十五年不困乏者茂也
茂亦有操行伯父長史君病且革呼茂畀之千金茂
謝不受公喜曰真廬濬卿兒也

光祿寺卿馮公惟訥墓志

余繼登

莊皇帝之壬申三月二十又一日光祿寺卿少洲馮公卒于臨輦以其年十一月二十日葬公于堯山之原歲十五年公仲孫琦官太史始以公仲兄海浮先生狀來請銘登謝不敏而重違太史之命乃按狀志而銘之狀稱馮氏之先世爲青州臨朐人高祖思忠徙家遼左復歸於青則公父憲副公始也憲副公有文夫子五人四登科第並以文章政事擅名于時東海馮氏遂有聲於天下公諱惟訥字汝言別號少洲正德癸酉憲副公爲蕭令生公于蕭公生有奇質

狀後錄

卷之七十一

上

曼山附

丰神秀微既長開敏沈毅辨悟絕倫名起齊魯間一試輒受廉領嘉靖甲午鄉薦登戊戌進士庚子除宜興令宜興多大猾持吏短長善通賦有通至數十年者公至刺諸猾搏擊之按籍而攝通者通賦大集以數萬計輸之郡郡守大奇之謂令纔弱冠耳乃老吏不如邑中咸惴惴無敢以少年易公者矣公嘗督諸生就試江陰巡江使者某以其間行縣至邑陽怒不候已而陰有所覘公若爲弗聞也者弗應也使者愈怒撫他事中公調規令會邊警查至烽火徹郊關盡南震恐公計久遠調經費爲城雙井鎮以備之未幾

遷蒲守魏人擁車下不得發乃爲更定牧馬法而去蒲劇州多宗室紛遷難治公治之甚容與暇嘗進博士弟子俾執經問難爲剖疑義士爭奮勵舉於鄉者視昔三倍之乙巳晉丞維揚而公尋以外艱歸服闋補松江遷南京戶部員外郎郎中壬子丁內艱復補北駕部出爲陝西僉事分巡隴右兼督學政在鎮五年武備文教種種悉飭邊圉無事陞河南右叅議分守河北壬戌擢浙江提學副使公念兩浙土風爲海內嚆矢廣布條教以示左質右文之意士習翕然咸歸於正癸亥陞山西右叅政卽自其省爲按察使公

獻徵錄

卷之七十一

十二

既秉憲一以盡明義之吏民見者語次尋釋皆得其陰伏廉然無所受私三晉號曰神君丙寅陞陝西右布政使秦中多豪強馳騁閭閻屯田之利令籍不得稍公乃以法按其豪大搜諸伏田得萬餘頃事聞受白金文綺之賜戊辰轉江西左布政使藩司總錢穀日入以巨萬計吏弊蠲集公爲立抽名驗收之法額外無毛髮餘羨宿弊頓祛江右歲輸諸窰器及它經費甚夥皆當出于民又吏緣爲奸公私困耗公乃議令民畝出一錢以給諸務而諸絕簿書盜財物者率以輕重受刑遠近便稱焉辛未入覲 闕下精覈

下吏能否無所依違天官郎丞稱之曰諸方伯考覈
言事繁然有執不存兩可者獨馮伯也是歲諸方伯
去位者過半公名益起縉紳大夫咸以公輔期之而
公請老之志堅不可挽矣疏上 天子惜之特進光
祿寺卿予致仕云既歸始構室墾田習靜遂買爲終
老計而天不憖遺不踰年逝矣公天性孝友歷官所
至皆奉太夫人以行卽佳節夜歸必徐候戶外問寢
食然後退其奔喪也徒跣數千里外柴毀逾禮兄弟
之間自相師友友愛備至教育諸孤無異所生以至
宗戚閭黨緩急皆以時周之咸得其歡心交游天下
廉徵集 卷之七十一 十三
悉當時聞人相與考德問業各取所長然性嚴重不
可以私仕宦三十餘年圖書詩卷外無長物督浙學
時大學士袁公遣官致書謝而不發其介如此幼服
庭訓用廉平爲理所至吏民畏而愛之在魏有德政
碑在蒲在隴右有去思碑在江右則士大夫嘆服謂
二百年所未見若小民又人人肖像于室飲食必祝
免生平嗜書無所不讀每政暇卽手一卷不置博涉
而深思閑積而約取發爲文章溫淳爾雅古歌詩取
則建安近體在天寶大曆之間所著有風雅廣逸楚
辭旁註選詩約註漢魏六朝詩紀文獻通考纂要唐

音翼杜律刪註馮光祿詩集若干卷行于世史登曰
立功立言古今勝事志士杰人畢力而趨者也然徇
俗之士往往不顧才質之有限官無崇卑必斬卓詭
業無工拙必斬表炫至強役其心以爭兼能之勝憎
憎然用力日勞所至日誦公少通仕藉循資累級數
十年始長藩司而一旦棄去如脫屣結髮供文詞凌
厲作者而冲雅和平無一切瑰奇競勝之氣舉世所
共艷羨者一不入其心故操之無所強而出之常有
餘不求聲而名我隨不務勝而人我歸可謂有道者
矣

廉徵集 卷之七十一

光祿少卿秦公玘墓志

彭華

公諱玘伯玉其字薊州世家祖定鴻臚寺序班父諱
遂昌馬步閑巡檢贈戶部主事進光祿寺少卿母李
氏封安人贈宜人公正統丁卯領順天鄉薦景泰甲
戌登進士巡檢公以疾歸尋卒丁艱天順丁丑始授
戶部江西司主事辛巳丁李宜人憂甲申改光祿丞
成化壬辰九載績最進少卿辛丑又九載加正四品
祿仍舊職蓋未幾而不起矣公爲人勤慎處官雖不
赫赫沾名而始終如一事無廢弛在戶部典錢穀出
納惟公在光祿幾二十年歷卿五六人未嘗有失色
獻徵錄 卷之七十一 十五 戶部

爲南京光祿卿名皆上聞而竟不得於時同年在朝
者皆官三品而公獨遲遲如此豈非命邪公生宣德
丙午八月二十六日年五十有六

光祿寺少卿李君紳墓志

李東陽

李氏世居徐之沛縣後徵至京師隸錦衣衛籍君諱
紳字縉卿其自號曰抱嶺山人而朗潤數歲能屬
對人爭誦之嘗與予從御史岐山展先生遊並被甄
賞君長予三歲舉成化乙酉鄉貢連捷丙戌進士授
行人司行人數未使足跡徧天下聞見益博九載考
最遷戶部員外郎郎中贈其父道明員外郎封母周
氏爲太宜人並受誥命其所領司最劇書簿立辦時
貴戚方盛有所干請力爲摧抑尚書李公敏薦爲光
祿寺少卿意氣勃發遂罹猜忌會考嚴京朝官以浮
疎例調知山西之忻州忻君所嘗奉使地方不欲往
上疏乞致仕再上未允復疏曰郡縣之職非循良愷
悌者弗稱茲以浮躁淺露之名而責其循良愷悌之
政蓋亦難矣旣得請榜于座曰五斗懶將雙膝屈三
章乞得一身閒論者賞其志因惜其才之不盡見也
君舊居城南徙禁蘊 西偏已乃復故業間歸沛置
屋數楹歲取俸直忽燬於火又無他貿易歲費且不
給持以勤儉未嘗見言面喜讀道書手自抄錄至盈
箱篋或訝之笑而弗答與客觴咏技臺戲象或雜以
諧謔文采逸發獨不及官府事予叩之琅琅可聽使

得再試未必不斬然特著也 今天子登極詔進階朝列大夫至是卒君素篤恩義兄玄爲道士晚得末疾迎於家躬視湯藥歛葬如禮丁氏妹寡而無子周卹備至嘗爲友索草書久弗致續木屬三日以幅楮抵予必得乃已交接之際蓋至成不易云君生正統甲子五月卒正德己巳十二月年六十六

歲次錄

卷之七

大卒

光祿寺少卿史君後傳

張璧

知山光祿寺少卿史君也諱後字舜仲其先出漢外戚平臺侯玄平臺凡四傳至諱崇者以東漢佐命功封溧陽侯因家溧陽之南埭元季有諱升祖者徙下廷遂成世業曾祖文祖鎬父祚號慎齋贈南京刑科給事中母郝氏贈孺人繼母王氏封太孺人知山少時已屹然負壯志嘗從里中兒嬉爲御史按部狀慎齋公見輒驚喜曰兒他日必亢吾宗乃命名御郝孺人喪知山方九歲哀號哭踊如成人見者爲之酸感稍長學文援筆立成同儕稱實時戴恭簡公督學南畿大奇之乃簡入學爲諸生以名倒置憲衙不可復改曰後無何慎齋公卽世知山哀毀若不能生凡喪祭綜綜合禮度既免喪益窮覽墳籍受學于姑蘇都御史礪菴毛公學日進遂以易領成化丙午應天鄉薦尋遊太學適丘文莊公爲祭酒大醜收望士重許可累試真首選弘治丙辰登進士高第觀政戶部松露周公甚器重使江南稱旨丁巳擢南京刑科給事中南科官不備設體甚重知山至則以言責自任數彈刺有戚畹家以貴幸不奉法度上章數其罪又言中官宜罷典兵政語侵權嬖京師地震率同官疏彈

歲次錄

卷之七

七

災數事言言剴切嘗奉命給軍衣閱帑藏巡視禁門中官校卒皆怖慄相戒莫敢犯會孝宗皇帝信任臺諫知山與大宗伯楊月湖少司空徐北屏同在諫垣相感激言事議者方望其有為而知山以滿考納祿歸矣既歸督耕課子闢園結亭蒔花聚石為樂隱具諸所題扁悉取陶靖節集中詩意以見志今上改元名公鉅人有論薦必及知山知山嘆曰某今得適林壑足矣不願再仕也朝廷重違雅志擢知山今官致仕云知山愈亦俯仰自適有泉石終焉之趣家故豐饒然自奉甚簡歲荒民窘則亟賑賚恐後癸未

卷之七十一

十九 易山錄

江南北大侵道殣相望知山惻然傷之急糴米千斛於南都為糜粥食餓者又出二千斛以給邑人貧窶當是時富家相爭匿財惟知山敦義首奮人以爲難巡撫李梧山上其事詔再進朝列大夫益章厥義風百姓也知山事太孺人孝謹凡意所在將順無違與伯兄樂山君友愛樂山君卒知山哭慟撫其遺孤若已出晚年置義田義塾爲宗卹計性方梗不曲意下人然坦易直諒與人交豁如也家庭義方爲教故其子漸成鉅器云生成化戊子正月卒嘉靖丙戌十月年五十有九家居南都時名頌如白巖柴墟白樓雙溪諸君子往還倡爲詩社所著有知山稿墓陶集歸得園集處困稿皆雅雅可傳

光祿寺少卿馬公從謙墓志

陳愷

公諱從謙字益之別號竹湖其先河南人晉時諱訓者爲南海郡守隨元帝南渡始家漂陽是爲馬之始祖隋唐五季代不乏人至宋廷鸞公拜相恥與史彌遠同列歸老於家廷鸞公曾孫子富遷居覽橋河東子富生裕公曾祖也元亂弗仕祖賢以子清貴贈文林郎父忠年六十餘始生公公幼岐嶷簡默不同羣兒遊府君指謂太宜人趙曰是元必元吾宗恨吾弗及見也後果以公貴贈光祿寺少卿公弱冠爲邑庠弟子員遂馳偶譽中值家難公泰然居之曰此其藥

卷之七十一

下 易山錄

石免我于疾疫者乎益與兄性魯姪一龍肆力問學入北雍文日益有名六館士莫敢先者嘉靖辛卯中順天鄉試第一乙未舉進士授都水主事分署彭城飭興修令以廉公自持始徐梁牽夫編各州縣不習水性每歲被溺者不計舊有公田歲入粟若干斛泣事者以爲公費公會其贏縮徽州官司其出入以粟募民能水者充役無事則已有召則千夫卽集有餘以賑州民之顛連無告者至今頌公德焉二洪之石突兀而出千態萬狀踳踞水中舟觸立碎公捐俸募石工去其爲害者遂成安流銓曹賢之移官主客主

客主四方賓賁先時夷人至必挾彼方物求市譯者
爲之交易率自利其十五而復以贖物與之夷情不
平公廉其弊繩之以法夷大悅服秩滿遷尚寶司丞
有朝貴爲造牙牌而佩者公欲上其事同列難之公
曰吾職符璽此尚可隱乎章上卒議如律 今上以
制誥重典命輔臣選才學者一人專掌之會推公學
行超卓簡入內閣司內外制 天子以冊儲臣工咸
得膺封贈之榮公代言典重有體諸以潤筆遺者却
之 扈 駕大狩承天詔諭多出其手還奉命之衡
府行冊封禮贐贈一無所受王甚敬之明年冬陞光
祿寺少卿兼翰林院五經博士典制如故命甫下奔
太宜人喪枕塊三年未嘗見齒釋服仍拜原官辭內
閣職躬校簿書大自尚食糾至庶餼醪膳靡不綜理
雖宿巧蠹者斂不敢肆有輔臣貪墨誤國疏論之留
中不下人皆爲公慮公不少悻時 上好玄修盛興
齋醮日費數千金其提督中官怙勢竊穴其中侵冒
以巨萬計公疏暴其罪并諫止齋醮比入爲其黨所
抑及向所論輔臣陰懷之指爲誹謗遂廷杖歿之實
壬子十二月十二日也未卒數日前獄中出書教諸
子曰吾罪在不貸 聖明不以顯辟歿且不朽汝等

其自勉樹母息且諭散衆帛以與宗族親故竟不及
家事可謂就成從容者矣公生弘治乙卯壽五十八
性孝友事太宜人人生則敬養歿則敬思嫡兄某天性
猛悍凌轢無所不至人皆不堪而公獨順受之至老
不較一言官至卿貳出入猶親扶之與弟從言家居
必同食或不至雖食不樂也每有所需輒濟之卽傾
囊弗吝也建家廟捐義衆族人有事卽面折是非不
令片紙煩官府教子弟以義方嘗作二則於懸事左
曰訓右曰戒各十四言凡夫脩己治家處人經世之
道畢備矣處鄉黨敦厚正直人皆敬而親之有告者
曰某人田與公田鄰可得也公正色曰使吾盡田吾
邑亦必有鄰吾田者吾安能盡人之田乎終其身不
多置產南昌萬爲無錫令公明廉慎爲豪右所謗誤
聞于直指使者將刺之公偶過會言其事公力諍其
良有司遂改薦之萬知其故追至宜興持幣謝公開
門拒竟弗與通大抵公性直諒樂與人爲善人有過
亦必面叱之不可假借人不敢于以私家居雖盛暑
必衣冠危坐平生不苟言笑暇則課子弟辨析經疑
讀古文辭商確古人賢否居常不卽窮較不遇歌舞
泊如也詩文江淹謝和于情鑿追跡作者論天下
事據古證今鑒上若指諸掌如潛河梁茂條論諸篇
時輩推服焉所著有竹湖小集若干卷藏于家

光祿寺丞丘秉文傳

丘秉文字鳴周御史山之曾孫父棧糖舉人秉文少穎慧弱冠卽喜古文辭登嘉靖甲辰進士初除浙之永嘉令以憂歸補長興政尚簡易簿領稍暇輒以聲律目娛察廉遷爲比部主事會車駕卽楊繼盛條劾分宜相嚴嵩罪惡十餘事天子以其事連東宮繫之西獄相嵩先後令人密諭西曹卽故折辱苦之卽客相嵩門下者爭希指以求媚秉文獨時時具索餽于楊遇楊病輒伴爲已病具藥餌潛與之事具載楊自著年譜中旣遷光祿丞給事中楊允繩劾奏寺獻徵錄

卷之七十一

三

丞胡齊侵奪諸不法事胡遂謬拾楊不根事以中之云允繩私訕主上榮感左道日費大官錢數十萬胡出示其草秉文面折之曰君具疏第辨誣足矣何至以謾詞上干天子乎倘事出不測如國家無容諫之度何胡銜之已而冢宰李默爲趙文華誹奏繫獄分宜相于世蕃遂指秉文爲李黨因以災異策免李善人倫又好獎引後進秉文以省卽丞光祿也實李自以意用之世蕃久專中外事銜李擅用里子不先啓事首相以故秉文坐黜時事出不意諸親知官京師者爭往唁秉文曰吾受知李太宰李今坐繫卽


不能援亦宜投劾行寧能珮珂旦夕過李綠綬所不仰天一疾呼乎遂以單騎卽日出崇文門歸時年四十有四構東樓藏書數百卷結社于西州之頂咏罷輒頽然自適人莫之測也秉文操筆敏捷談聲律妙悟入玄語時事閒憤憤不辨與人文懇款冲挹以故人樂與之親恨不終身事之也年五十八卒所著詩文各若干卷又有評點品彙註解文選二帙長興徐中行以詞賦名比部時與秉文爲同舍卽以文章交最至秉文歸徐數千里函寄遺稿續文獻具載之

獻徵錄

卷之七十一

三

史山館



光祿寺大官署署丞贈徵仕郎慎齋李公昱墓

表 劉龍

陝西苑馬寺丞李君堂自平涼函表入賀既竣事過予悲曰昔吾祖光祿署丞歿王事吾父以衣冠爲莽痛之終身以及于堂餘六十年於茲矣歲時展謁墓次輒悽愴不勝若吾祖有在顧未有以表之茲實先人志而堂之責也敢以煩執事按公諱昱字文昭號慎齋世爲潞州人天性剛毅篤於爲義慷慨自許動以古人爲法治尚書領宣德乙卯鄉薦卒業太學屢會試不偶已而授光祿寺署丞正統己巳扈從

獻徵錄 卷之七十一 王五

英廟陷於虜庭虜人欲用之公曰主辱臣死死有重於泰山有輕於鴻毛顧自處何如耳今日固吾死所也不屈遂遇害尋被卹典進階徵仕郎贈父昂如其官母及妻俱封孺人廕子淳入監讀書其制詞有曰人孰不死惟歿于國事乃爲榮也嗚呼君臣之義無所逃于天地策名委質歿生以之故殺身成仁舍生取義見危授命臨難毋苟免聖賢垂訓不一而足以此防民猶有背漢臣虜忍恥偷生而甘心犬羊者甚矣亂臣賊子不可勝誅也靖康之變李侍郎若水以扈從歿節卽爲虜人所重名耀史冊流芳百世公豈

其苗裔與雖卒以非命而守死善道爲朝廷所嘉榮及存者受賞已厚至子淳歷汝寧揚州推官高堂同知孫堂以鄉薦宰宜君遵化而擢苑馬父子接武仕途功名烜赫爲鄉閭延譽則天之報公者亦未嘗不豐也節義人之大閑歿於其職亦惟成就一是而已初非有所爲而爲之顧獲福之隆如此然則節義何負於人人亦何憚而不爲哉愚故表之以勵風化云

獻徵錄 卷之七十一

